

中國社會科學院創新工程學術出版資助項目

楊一凡 編

古代判牘案例新編

第十九冊

社會學學文獻出版社
SOCIAL SCIENCES ACADEMIC PRESS (ORMA)

古代判牘案例新編

楊一凡
編

第十九冊

 社會科學文獻出版社
SOCIAL SCIENCES ACADEMIC PRESS (CHINA)

古代判牘案例新編第十九冊目次

講求共濟錄	堂斷	〔清〕張五緯撰	……	一
-------	----	---------	----	---

講求共濟錄	批詞	〔清〕張五緯撰	……	六七
-------	----	---------	----	----

粵東成案初編	控訴	〔清〕朱樸輯	……	二六五
--------	----	--------	----	-----

〔清〕張五緯撰

清嘉慶十七年刻本

講求共濟錄

堂斷

清苑縣吳省空誣控郭殿魁等一案堂斷

審斷得清苑縣民吳省空具控郭殿魁等一案據吳省空詞稱嘉慶七年租到郭殿魁舖房兩間半前面開舖後有一間住家押租京錢五十千每月租錢一千五百文不許增租另典立有文契可憑隨卽置辦器具開張烟酒雜貨小舖十二年房東郭殿魁郭忠郭連同縣兵書李玉書轉賃後房一間口稱閒坐不料伊等輪流聚賭有伊等骰子紙牌可証嗣郭殿魁乘衆人未賭隻身到街取物伊暗自

勾進黃炳之妻行姦黃炳找至正在持刀行兇身回詢知
郭殿魁再四跪求身念係房東苦勸黃炳非體面事帶妻
回家自此不賃後房郭殿魁又要賃後房聚賭身總不應
允挾恨將文契盜去唆挑伊父郭隆昌率領郭連郭忠將
身前房字畫欄墙板硬拆止租收房於本年二月間赴縣
呈明地方捏覆縣押挪房郭殿魁囑李玉書勸說挪房將
身舖內家具折算京錢五十千李玉書承買明係奸棍因
姦賭不便夥謀逼挪伊等前面開舖以便後房聚賭行姦

爲好成仇冤屈實甚孤苦無奔等語查民間租賃房屋例有租約俗有押租是爲兩家執據旣稱執有郭殿魁寫給不許增租另典文約爲憑鋪屋之內又有家室同住則文約自必收藏內室雖室內親人非目覩者不能知其所在斷非房東外人所能竊取卽此已見虛誣且事關屢控姦賭不可不徹底根究以斷葛藤而成信讞隨卽弔卷提人親訊據郭殿魁供稱吳省空於嘉慶七年租住鋪房兩間半每月租錢一千五百文屢次拖欠租錢一十八千是以

令其出屋吳省空因而捏詞兩次赴縣呈控并赴前府喊稟飭縣傳訊斷令租房人出屋折算家具京錢五十千文彼此挪屋付錢吳省空抗不遵斷出屋又以聚賭姦情翻控捏呈賭具小刀并指告持刀捉姦之本夫黃炳現在均已到案求質訊虛實究辦等語訊之黃炳郭連李玉書等均極口呼冤質之吳省空俯首無詞隨帶同原被一千人証履勘舖屋其屋雖分前後僅能存貨住宿爲一家生意炊爨坐卧之處勢不能轉租於人聚賭行姦或竟偶有其

事亦必兩下商通托詞外出諉爲不知其誰信之如實係
乘其出外取物藉以混爲則歸家撞遇之時不但眼見黃
炳持刀并當耳聞其妻喊罵何竟夫婦毫無愧恨反甘心
爲之委婉勸解卽此情形又可必斷無其事案經本府勘
訊備悉前情奸險小人情僞畢露因思省會五方雜處常
有居民舖戶賃租房店之事月清月利年清年款者自不
乏信義之人其間因家運坎坷生意淡薄屢約屢欠者亦
復不少故凡省郡城市多有房東具控追租退屋之訟從

未聞有先法挾制房東喪良昧心以姦賭竊盜疊告不休藉以佔住肆訛如吳省空者似此奸狠之徒若不從嚴究辦從此無業者效尤卽可據爲己業有業者被控必致廢時失業尙復成何事體除將吳省空發交該縣押令出屋領錢并追問賭具小刀來歷嚴究代人作詞次數錄供具報核辦外所有此案親訊勘斷原爲飭房錄讞遍貼諭知固不僅爲現在之郭殿魁一人負屈計也此判

大名府任內

審斷得江西客人喻永坤與大名縣民人王大用同賭一案緣喻永坤籍隸江西向在山東冠縣藥舖生理因事來直路過龍王廟戲場王大用張進德在彼開設寶棚喻永坤見而進內押寶輸去現錢三千欠賤十千因無錢還王大用卽將喻永坤錢裕內物件留住喻永坤遂約同王大用進城取錢誘其到府喊稟質之王大用供認不諱查賭博有干法紀本府諄諭嚴禁原不僅遵例奉行實欲回漢

軍民等各皆務正習上以不輸之現錢養贍現在之父母以不輸所積之錢爲雙親籌計終身之事以不輸運用生發之錢置買房產使一家豐衣足食之苦心耳如謂贏錢亦可度日養家則今日贏來今日吃用明日輸去明日饑寒何曾見有日日贏錢的人嘗聞迷賭的敗家又幾曾見善賭的起家你們輸的你們錢贏的是輸家的錢又沒贏了官的去又沒輸了官的錢多有謂本府何必如此不知本府勸懲之意正爲爾等者深也蓋民爲邦本財乃命源

府爲守土官萬物生於土有土斯有財有財斯有用有
必該用有萬不可用旣設守土之官必該盡守土之道守
土者卽爲民厚生理財者也使民知物力艱難使民知節
用惜財是謂守土之道也財有不同有家資豐富之財有
家道淡薄之財豐富者以財生利淡薄者以藝生財守法
亦有不同如富有之家自有理財之人官須爲之除盜賊
杜訛詐勸勿訟以防其外來之破敗若營謀力作之輩及
家有薄產之戶旣不善於自理又不能有恒心此等人家

必得官爲之禁賭逐娼使之節省務正積財以保其現在
急迫日後飄流此卽本府守土官爲爾貧富守財之職分
應當如此豈可謂爲不必如此勸懲耶大凡善類無不受
勸奸徒莫不自敗卽如喻永坤之誘王大用來城此卽奸
徒之自敗爾輩之不受勸者俱當引以爲戒也究其奸處
尙不在誘王大用之進城惟在赴本府衙門之扭稟其直
奔本府者固已知本府有賭博之禁况夫離鄉背井自應
遵勸積錢寄膳家中且籍隸南昌據稱備悉本府前在江

西居官之好惡賞罰尤當恪守前訓乃羸則滿載而歸輸則誘之送究是其人奸詐已于輸羸之際窺見其蓄心不良矣本府訊悉前情因念各知愧懼且喻永坤求釋還鄉是以均免枷示錢裕業據呈繳給還原被隨卽當堂開釋仍取具不敢再賭并各情願轉勸賭友改過甘結備案此判

--	--	--	--	--	--	--	--